

Gvangjsih Minzczuz Bau

Cawjguenj: Gvangjsih Bouxcuengh Swcigh Minzczuz Cunghgyau Swvu Veijyenzei

Cawjbanh: Gvangjsih Minzczuz Bause

Geiz neix 8 banj

广西民族报 Aenhauh okbanj: CN45-0036 B.2025 Nd.9 Ng.17 Liggaueq ietceih nienz ndwencaet ngeihroek Geizsoq: Gungh daih 3686 geiz

Ndaw Guek Bouh Nduj Cawjdaez “Couqmaenh” Sawsonhag Yijvwnz Daihhag OKbanj

Mboengqneix, ndaw guek bouh nduj sawsonhag yijvwnz daihhag cawjdaez dwg “couqmaenh” gij eiqsik Cunghvaz Minzczuz ranz vwnz ndeu —《Sawsonhag Cawjdaez Couqmaenh Gij Eiqsik Cunghvaz Minzczuz RanZ VwnZ Ndeu: Yijvwnz Daihhag》cingqsik okbanj. Cek sawsonhag neix dwg Bwzgingh Swfhfan Dayoz gyausou Cwng Gozminz, Sinhgyangh Dayoz gyausou Liuz Cwnggyangh doxcaez cawjbien, youz Bwzgingh Yijyen Dayoz Cuzbanjse okbanj.

Couqmaenh gij eiqsik Cunghvaz Minzczuz ranz vwnz ndeu dwg diuz sienqmeh hong minzczuz dangi seizdaih moq, hix dwg diuz sienqmeh gak hangh hong dieg minzczuz, gauhyau dangguh dieg son' gyaug couqmaenh gij eiqsik Cunghvaz Minzczuz ranz vwnz ndeu ndawde dieg ndeu, rapdawz mbaqrap son vwnz guh

ndei. Geij bi neix daeuj gauhyau doinyoengx “gocwngz swhcwng” caeuq “swhcwng gocwngz” dox boiqhab, aeu couqmaenh gij eiqsik Cunghvaz Minzczuz ranz vwnz ndeu gyonjhaeuj mwh guh sonhag bae, hoeng sawsonhag mizgven yijvwnz lijdwg hoengqhang. Aen daihhag neix doiok sawsonhag yijvwnz, ndaej bouj gij hoengq neix.

Cek sawsonhag neix bienraiz hopgaenj gaiq hong gauhyau son vwnz, yenzcwz dwg “swhcwng yijvwnz doxyungz, lwnhgangj lijun haeuigyawj ndwenngoenz”, doenggvaq 16 aen danhyenz neiyungz, gvendaengz cawjdaez “couqmaenh” liux, nangq-daengz lai fuengmienh, cauhlaeb daengx aen roxyiug caezcaemh. Mwh cuknet hagseng yijvwnz suyangi doengzseiz, dazyinx hagseng nyinhrox gij lizsij gihiyinh caeuq cingsaenz baihdaw Cunghvaz Minzczuz.

Dij ndaej haeujrwz dwg gij saedguh Gvangjsih, gojgaeq Gvangjsih couqmaenh gij eiqsik Cunghvaz Minzczuz ranz vwnz ndeu hix ndaej sou haeuj ndaw cek sawsonhag neix. Gvangjsih dwg aen dieggaguenj daengx guek gyauejvwnz siujsoq minzczuz ceiq lai, daj geq daengz neix, Gvangjsih gak minzczuz doxyaij doxyau doxyungz gojgaeq haeujlaeg simvunz. Sawsonhag senj aeu bien faenzieng 《Dangh Hoenxcienq, Heuh Yaek Dauq》lwnhgangj gij saehsaed akmaenh Vajsi Fuhyinz dingjhoenx Yizbwnj, langhbaij aen sim dingjmaenh caeuq cingsaenz doxgiet bouxminz gak cuz Gvangjsih youq gwnz lizsij caez dingj baihrog ciemqfamh; 《Boux NdaeJ “Caetit Yinhcangh” Vangz Vwnzsiu: De Aeu Sengmingh Lwnhgangj Gij Seizcoz Ceiq GyaueJ》cix lwnhgangj gij saehsaed boux ganbu maenhndei

Bouxcuengh Vangz Vwnzsiu, yienh' ok le bouxcoz Gvangjsih daihneix haengrenz mbouj soeng bae coenghrenz guhbaenz Cunghvaz Minzczuz fukhwng hungmbwk; 《Go Byadah Gveilinz》yung cih saw gyaundeidei veh ok byadah gyaundeidei Gvangjsih, hawj hagseng roxyinh gij gyaue swhyienz Gvangjsih doengzseiz, roxyinh daengz Cunghvaz vwnzva youh gvangq youh laeg.

Ciuq cam rox, bineix haggeiz seizcou, Sinhgyangh Dayoz, Hozsiah Yozyen doengh gij gauhyau dieg minzczuz neix daiqdaez hainduj yung cek sawsonhag neix. Cograwz, cek sawsonhag neix yaek bang gauhyau lai dazyinx hagseng bouxcoz gyaak “haj aen nyinhdoengz”, bangrenz gungganq bouxmoq seizdaih rapdawz rapnaek minzczuz fukhwng.

(Veiz Yingjinh)



Vuzcouh: Cienzswnj Dinfwngz Guh Caz

9 nyied 13 hauh, youq dieg ndaem Cazluzbauj Vuzcouh Si Canghvuz Yen Luzbauj Cin Luzbauj Cunh, bouxcienzswnj daiyaujsing dinfwngz guh Cazluzbauj feihvuzciz vwnzva yizcanj hanghmoeg gaep swcigh Suh Cauvaz(danah buhnding) cingq son vwnz dinfwngz guh caz, gyoengqvunz cingq lienh hag dinfwngz, hawj dinfwngz lai ndei.

(Yenz Gveihaij ingj)

Nazboh Aeu Vwnzva Saekhoengz Coihaeuj Minzczuz Doxgiet

Geij bi neix daeuj, Nazboh Yen laebdin gij saedsaeh dieg minzczuz henzguek, cauhmoq guh caezhwnq dieg saekhoengz, caezyungh swhyenz saekhoengz, caezbanh yienghsaeh saekhoengz, doinyoengx couqmaenh gij eiqsik Cunghvaz Minzczuz ranz vwnz ndeu haeuj simvunz.

Caezhwnq dieg saekhoengz, cukmaenh gij giek doxgiet. Gaijcauh hwnjmbaek Nazboh Yen Lezsw Lingzyenz, Denhciz Gozfangz Minzbingh Sausoj doengh gij dieg saekhoengz neix, guhndei giekdaej sezsih. Cauhmoq aen gihci caezhwnq “cwngfuj giyez hagdangz”, yung aen

vunqsik doxgap “1+N”, caeuq 4 aen giyez youqgaenj bonjdieg ciem hezyi doxgap, youq dieg giyez laeb aen dieg langhbaij “gojgaeq henzguek” “gak minzczuz caezcaemh hwnqfat” doengh gij neix, guhbaenz swhyenz caezyungh, giyndei doxbouj. Caemhseiz, caeuq daengx yienh 22 aen cunghsiujyoz laebbaenz “aen lenzmungz guh son' gyaug saekhoengz”, aeu 12 aen dieg son' gyaug saekhoengz gvihaeuj hagdangz dangz swhcwng bae.

Caezyungh swhyenz saekhoengz, gietcomz gij rengz doxgiet, hwnqlaeb aen fungh dangjanq saekhoengz

daengx yienh gyonjcomz, cingjleix 20 lai dieg dieggaeuq saekhoengz, 1000 lai gienh swliu saw doz gwzming vwnzvuz, doenggvaq langhbaij, guh sibinz gangjeij, yaenq cek saw senhconz doengh gij fuengfap neix cienzboq hawj vwnzlai; caeuq Cingsih Si caeuq Yinznanz Swngj Vwnzsanh Bouxcuengh Myauzcz Swcicouh Funingz Yen daengj dieg gapgyaiq doxcaez guh gij yienghsaeh “dauq byaij loh Hungzginh” 12 baez; gapbaenz senhgyangjdonz “bien' gvan hoengz” youz 16 boux ganbu geq gapbaenz haenx, gangj Vahcuengh, Vahmyauz bae lwnhgangj 80 lai

ciengzbaez.

Caezbanh yienghsaeh saekhoengz, ung laeg gij cingz doxgiet. Nazboh Yen dajcauh gij binjbaiz “saekhoengz +”, aeu gij saeh vwnzlai haengj dingq gyaed yawj haenx doinyoengx son' gyaug minzczuz doxgiet guh laeg guh saed. Mwh ciet youqgaenj, roengzsim guh baenzroix yienghsaeh “cingmingz caeq yinghleiz” “gozging gyo' mbaij dangj” daengj, bineix duenh ciet cingmingz, ciuyinx gak cuz vwnzlai caeuqfaenh caeqbaij 3.2 fanh vwnzbaez.

(daj 《Yougyangh Yizbau》aeu daeuj genj hoiz Nungz Siujhanz)